

VALUE PROPOSITION NALEQARTITSISUT



S.M.U.K - MODELLEN

PISISARTUSSATIT KIKKUUPPAT?

S. Annertussuseq Ineriartorsinnaasoq. Piserusussusiat qanoq annertutigiva, ineriartortissinnaviuk annertunerulersillugu piserusussusiat?
M. Sunniiniarnermi periarfissat. Qanoq nittarsaasisinnaavit? Suut aqutigalugit pisisartussatit taakkua angussavigit?

U. Aningaasartuutissat sunniiniarnermi. Nittarsaasinermi aningaasartuutissatit qanoq annertutigippat?

K. Unammillertitit Kikkuuppat? Qanoq inissisimavit unammillertinniik sanilliullugu.

Pisisartussatit amerlasinnaasutut isikkoqarsinnaasarput, kisianni ilinnut pitsaanerpaassaaq immikkoortiterukkit. Qulaani suliassiissutaasoq pisisartorisinnaasatit tamaasa (immikkoortillugit) allattussavatit immersorlugillu. Naggataani ersarississaaq kikkut Pisisartut toqqarusunneritit, tuniniagassallu pisisartussannut naleqqussassavat.

AJORNARTORSIUT SUNAAVA?

Pisisartussatit ersarisseriarpata, taava ajornartorsiutaat misissoqqissaassavat.


Assersuutigalugu, ilinniartooq kalaaleq ilinniagassinneqarpoq atuagassat quppernerit 100-rujut, kisianni ilinniartooq ajornartorsiutigivaa taama quppernik amerlatigisunik atuassalluni nuannarinngikkaa. Ajornartorsiut ersarissivoq.



AJORNARTORSIUMMUT MATUSSUSIISOQ

Illit tuniniagassavit qanoq ajornartorsiut taanna matussuserpaa/ oqilisaaffigivaa?

Assersuutigalugu, Illit podcast-iliorputit atuisussavit/pisisartussavit ajornartorsiutaanut matussusiiniallutit/oqilisaaniallutit. Atuakkat nipituumik atuarlugit kalaallisut immiullugit, ilinniartut tusarnaaginnarsinnaanngortillugit atuartariaqarnagit quppernerit 100-jut.



UNAMMILLERTINNIK TUNINIAKKAT QANOQ PITSAANERUA?

Unammillertivit tuniniagaanut illit qanoq tuniniakkat pitsaanerua? Sooq pisisartussatit illit tuniniakkat toqqassavaat?

Assersuutigalugu, unammillertivit qallunaatuinnaq immiussisarput atuakkanik atuaallutik illit tuniniakkat kalaallisut aamma atuaasarpooq taamaasilluni pisisartussannut/atuisussannut pitsaanerulerluni illit toqqassallutit.

